

辛齋公傳

公諱勤号辛齋册名其琛里之名宿也善生也晚凡公之懿德芳行不克亲炙今岁余族续修宗谱善忝列诸公之末公之六孙书汉嘱善为之传善以关系深厚未敢以不文辞幸我族原有之老谱为公与仿遽公所创修手泽犹存藉以得悉生平之概復又旁徵父老之传闻及其风流餘韵爰握管而谨志之公性精明慈惠孝友雍穆幼读书颖悟过人家境虽不甚丰而矢志芸窻未尝稍懈不数年间学克有成声蜚庠序弱冠后益穷研经史博极群书所为文蜿蜒磅礴有韩潮苏海势方冀朱衣暗点掇巍科取青衿詎料明经困顿廛战棘闈数十餘试终不得售人皆为公惜而公处之晏如也逊清光绪癸巳恩科学宪李册奇其文奏议恩赐副举人倘能因是而鸞迁鹭振云梯直步则治君泽民之勋绩詎可不照耀人间耶未几科举废遂绝功名念尝曰大丈夫不能建白於当时亦必留芳於身后由是设坛讲学为国培才一时从游者甚众出其门下者皆当世之俊彦焉公享年七十有六无疾而终迄今孙曾林立头角峥嵘四孙书宝五孙书铜均商寓申地业绍计然术曾孙数人服务党国造福人群吾知其正未艾也书曰天道靡常惟德是依徵之於公而益信善不才未能文又不忍公之学问道德湮没而弗传爰竭駑駘志其梗概非敢云及文章不过

辛斋公传

欲藉此以光扬先德使千百年後犹能景仰其人也是为传

远孙復初氏崇善拜撰

中华民国三十七年 孟春月 中澣 重刊

公元一九九四年 仲夏月 上浣 复重刊

仿 蘧 公 暨 子 文 甫 公 合 传

吴府号仿蘧公倜傥士也吴为吾乡望族家世积学名德相闻公父世材公以财雄于乡生公昆季五公居三束发读书颇有志性聪颖凡有所授俱能领悟独先但不求甚解作文均规抚大家词炼气雄争相传诵第因数奇在前清时出入场围垂三十余年卒莫能博一衿仅纳粟成均士林多惜之公相貌魁伟善言词宅心廉明公正不阿被推为乡绅当时纷难借公一言以寝者伙矣性慷慨好义至袖金息事亦不计如吾乡吕廖两巨族酿成翁祸相持不下经公捐酒八席从中干旋即告涣然冰释又华容华觉寺后寺桥重修公襄助尤多凡吾乡创办一切善举靡不踊跃身先因是不独地方人士钦感无既而邑宰益信仰如神明每下车后必躬亲访谒公下世四十年颂声迄今犹噪甚里间岂偶然哉然公匪惟爱人以德尤敦内行孝友根乎至性奉甘旨必躬亲待手足始终怡怡如也德配黄孺人出自名门坤德夙着理治家政克俭克勤相夫课子极尽厥职咸方古之陶孟焉举丈夫子四号文甫公者即其长子笃行君子也继志业儒力图上进勤学不辍文亦清矫拔俗奈命蹇一如仿蘧公终不获售后捐国子监徒使坐嗟黄卷无灵老于林下悲夫设帐三十余年讲解明晰规则严肃一时出其门墙者以百计公律身俭约严取与必如诗人耕始

仿 遽 公 暨 子 文 甫 公 合 傳

得未猎始得兽绝不因人余热所以至老犹以训蒙为业此其淳厚诚朴之风
 尤为人所难及其他卓有乃父风孝友一堂终身无间言妣胡孺人其性淑慎
 慈祥虽身居巾幗而有须眉气慨为家道计艰难备尝王母黄孺人之徽音信
 克嗣之岂非女中丈夫耶诞子三长号次楼忠厚有为即善之姻长也近因续
 修宗谱其曾孙桂荣待仿遽公暨文甫公之行状问传于余余不敏愧不能悉
 发其潜德幽光仅就耳者笔之以纪其实若曰藉余文以彰其德则吾曷敢仿
 遽公享寿五十七岁孺人享寿八十二岁文甫公享寿六十五岁孺人享寿八
 十一岁生卒年月世次均详谱不赘

姻再晚高善卿敬撰

中华民国三十七年 孟春月 中浣 重刊
 公元一九九四年 仲夏月 上浣 复重刊

子云先生暨夫人夫八旬寿序

盖闻 晋华封寿列三多之内畴陈洪范寿居五福之先太公抱燮理之犹寿至八旬而着绩梁灏具匡扶之识寿逾八秩而扬麻恭维 吴君子云暨顾夫人八秩生辰其族党姻姻莫不谋为 先生暨夫人寿有寿以诗者有寿以歌者灯红酒绿鼓喧阗猗欵盛哉凡人称寿者或以功名或以势镁或以富厚而 先生与夫人之所以寿者固不以此 先生性忠厚不与人争人有侮之者置若罔闻不与之校有唾而自干之度焉幼读书颖悟过人乡先生每以大器目之嗣因搢拄无人遂废读就商裱褙习描书等事凡人物诸状皆精巧绝伦牌名青云买者争趋之亦必取之以义人咸以物美价廉称又好义举凡建宗祠洁厂基修祖墓诸要事无役不与且能同心协力期其必成并捐酒席会议族人咸以好义急公许行年八十精神犹矍铄上寿也德配 顾孺人幽闲贞静鸿案相庄既宜子孙又睦乡邻宾客来家待之以礼有柳母侃母风子二长绵济次绵泽均善继述克绍箕裘令孙三长元木次元福三元斌是也皆俊秀俱肄业于初中学校前程远大未可量也今君与孺人年届耄龄均康强逢吉偕老之欢于斯见之值贵族合修家乘推云君为副主任凡录稿督费一切不惮烦劳诚有功于谱牒也是以纪之以附于序之例

序 寿 旬 八 人 夫 顾 暨 生 先 云 子

吴氏宗谱

卷一十

传记

第六页

至德堂

前清优附生师范最优毕业 杨词垣 敬撰
 中华民国三十七年 孟春月 中浣 重刊
 公元一九九四年 仲春月 中浣 再重刊

松山先生余孺人五旬寿序

戊子之夏蒲节前之十七日余阅箕子五福畴诵毛诗九如句忽家人谓予曰襟兄松山先生暨余孺人五十双庆子与有姻娅谊盍往庆之予曰诺遂欣然易衣往登其堂则见灯红酒绿之下须色班驳归然而并坐于堂上者先生与孺人也彩舞蹁跹云璈宛转率拥孩而拜祝于堂下者先生之令子圭妇也至于颂齐眉歌偕老饶堂而呼者先生之宗族姻娅也当是之时人声杂遝鼓乐喧填予施礼毕降阶而退于旁坐之间乃有同人与予共语谓吴氏之获庆必犹不止此予曰君何以云其然同人曰积善余庆大易有云今先生宅心忠厚处世和平幼诵诗书师不烦乎夏楚长习商业利不越乎道义元配赵孺人终温且惠淑慎其身惜年不永中断琴兹继配余孺人能合德相敬无违今之大衍同登极未足以定其止极予即以此测其所由来故能测其受福于无穷也是为序

襟弟袁克昌树臣氏谨撰

中华民国三十七年 戊子 孟夏月 敬刊

公元一九九四年 仲夏月 上浣 复再刊

李老孺人序

从来妇人女子为诗书庠序所不及教求一淑德可风懿行足式者晚近间不可多得若余叔祖母李老孺人诚巾幗中之贤者焉幼产名门夙娴内则及笄归余叔祖善松公其时家道非饶松公更侏儒善病病孺人不特能仿孟光举椀之敬且以柔弱之身矢辛勤之志昼则锄苗刈黍夜则纺星绩月历寒暑而无或间识者莫不称善松公得贤内助焉奈何德着萱堂悲兴梓舍年逾四旬膝下子女各一均成年而物故孺人肚肠寸断哀痛之余念及祖宗禋祀不堪竟截力劝松公纳妾松公以家寒固辞孺人乃以辛劳所积累遂独赴省垣为之纳周氏归其视柳氏禿妃之发郭氏绝夫之嗣诚若背道而驰者矣不数年间而松公得咏弄璋乡党宗族间莫不谓南国螽斯可为孺人咏矣不意有子之愿方偿而祸变频来岁己己因村人失慎惨遭回禄波及其家数椽华屋化为乌有越三年松公忽捐馆舍当此之际一门孤孀栖息无所在他人处之不知颠沛流离至若何也孺人以环境愈劣勤约愈甚督理农商惨淡经营未儿鳩工庀材而建新居家业亦渐增饶裕外传聪秀异常正方兴未艾矣非天所以报孺人哉兹者续修家乘余因慕其淑德懿行特握管而直书之登诸简端以垂永世云耳是为序

李老孺人序

吴氏宗谱

卷一十

传记

第九页

至德堂

愚侄孙长郡顿首拜撰
中华民国三十七年 仲春月 中浣 敬刊
公元一九九四年 仲夏月 上浣 再刊

爵廷公暨張孺人合傳

公諱詩貴字爵廷監名炳坤姓吳氏父尚玖生子四公其季也先世籍隸鄂城自其八世祖敬先公迂居江心之羅霍洲遂為黃岡人幼習舉子業天質甚敏塾師咸以偉器目之因父早卒家貧不自甘凍餒遂廢書經商操舟貿易長江上下游既饒心計又適有天幸不十年積資百萬生而色面半青乡老戏呼為青面子其名遂噪于汀贛皖蘇間居乡以排難解紛為己任每值里党相争轍从中設筵出財以各擇其忿平居誥誡子弟亦恒以亲仁善邻教之每岁由湘贛运米回鄂舟泊里港贫家往购者或不能尽归其值常宽以善言舟复归再购乃亦不稍吝也邻有炎灾屡分屋居其眷口体恤周至里中多稱其仁厚而公初无德色盖其天性然也里有无赖子涎公家富厚曠盜窃之公戒人家勿急索贼弗听卒鸣官求追捕官执无赖子囚之公家讼词固未指其名也贼母忿其子被囚岁终服毒至公家自毙邑令讯验得实仍不欲平理其辜里豪与县役又同以危言相恐吓协令出多金瓜分而事始息人尤以此服公之先见每延师课子馆谷必丰礼仪必备及长遣就外傅亦必择知名士从之以故公家子姓繁衍而四民之业皆具此足以知其素志矣清光绪三十二年十二月二十五日以疾终于家享年六十有二德配张孺人亦以贤淑称持家处世循

爵廷公暨张孺人合传

循有钟郝风焉卒于民国二十三年七月十五日酉时内寝享寿八十四岁子四长书浩次书印次书愿次书灿

论曰管子有言论廩实而知礼节衣食足而知荣辱生人之理固如是耳惟自秦汉以下富而后教之策久已不能被之于上而凡在下之群氓泊乎海禁大开至今弥复不能自厚其生计彼其相名为士者无论其或穷或达类皆巧于朘削以求自肥其身此吾国贫弱之所由来也向使人各自践其生理如吴公爵廷者社会又何至如此窳败耶夫非其有而取之是名为盗吾国自劳力以外其不为盗者寡矣盗日以盗为计而其安于不盗者或窘于经营或残于攘夺物日腾民力日困其势不至出于盗不止如使人尽出于盗彼其盗而士盗面官者又将奚盗耶盗无可盗必国无可国吾恐强邻之虎视其旁者承间而据有其土地亦惟以治盗之法治之是不盗与盗为同尽也其祸尚忍言耶爵廷固亦尝苦于盗者而及身尚能保其所有盖清季之盗祸犹不如今之烈也爵廷之次子心田旧尝从余游兹因续修家乘求为其父作传爰书其崖略如此余本生人之定理固将以爵廷之所为转为能为爵廷者劝而默念烜国皆盗淪胥之祸即在目前又不禁泪潏潏下而反能为为爵廷者虑焉

爵廷公暨张孺人合传

吴氏宗谱

卷一十

传记

第十二页

至德堂

黄冈邑庠生钟图南顿首拜撰

中华民国戊午年 季春月 中浣 重刊

中华民国三十七年 戊子 孟夏月 再刊

公元一九九四年 仲夏月 中浣 复再刊

诗 仁 公 暨 德 配 涂 孺 老 人 合 传

金亭先生诗仁公之外孙也与予岳善以是谥予为述其表弟叔琴等之言曰家祖父母逝世各数十寒暑不惟墓表无词即传记亦阙然予等磐石兴悲难禁泫然之涕宝田省旧不胜追远之思今家乘告竣愿传之将为伊详其历略予曰叔琴予邻右也其祖父母予虽不逮见然尝馆厥村颇闻其概毋庸详也公讳诗仁尚国公之震子也生而仁厚孝友略事诗书隐於商设肆段镇与童叟交易皆无欺他商多不然以故公之肆人常麇集颇沾利润至於宅心慈善慕义趋事尤人所不及虽天年不永而大德昭至今遗爱馀泽流风徽誉犹有载道之口碑德配涂孺人端庄静一淑惠慈祥善事舅姑克谐婣娣敬戒之训未或忘妇工之职未或荒仁公即世时年三十馀孺人年相若子书初书托皆幼孺人泪流班竹矢志柏舟勤绩敬姜之广苦画欧母之荻或有劝其将商肆出让者孺人不为之动但课其子以经理之道别雇谙练者以饮之故仁公虽即世商业匪惟不绌而且兴盛焉且以约守盈履丰用嗇延宾客有礼意济贫困无吝色寿享耄龄积修犹不倦是诚巾幗鬚眉也今者家世繁昌人文蔚起书托之孙若之从家夫子达翁学与予共砚尝服务党国抗战有劳叔琴之子周南亦与予有雞窻之旧现肄业咸宁高中将来克自奋勉则高掌远蹠腾骧

詩仁公暨德配老孺人合傳

天衢不难期也其餘从予遊者數輩務商務農均能精勤以贍厥家猗欤休哉
殆仁公与孺人积善鉅故庆有餘也其椒蕃衍庆瓜瓞长绵非倖也固宜予忝
属桑梓不敢没善谨书其略付诸手民俾传不朽

乡愚晚孙纪厚少田敬撰

孙家会家已拜撰

中華民國戊午年

仲春月

中浣

吉旦

公元一九九四年

仲夏月

中澣

重刊

吴节母谢孺人传

孺人姓谢氏为明五公长女其弟竹筠为吾乡积学之士晚清与予同应童子试有文名予稔知孺人之苦节悉闻之竹筠者也孺人年十八归同里 吴公美臣美臣昆季五以家累重食指繁孺人归后伯叔即析居美臣以得田少不能自给孺人婉顺能忍佐美臣勤苦自立洵贤而能者矣光绪戊寅腊月美臣公一病不起己卯八月孺人乃举子即 海芹先生也美臣卒时孺人年仅二十以有遗腹故不敢以身殉自度守节艰而抚孤重夙闻夫死从子之义柏舟自誓虽家贫弱质敢于肩此鉅任躬耕之外竭力抚孤茹苦含辛朝夕操作如是里党钦其志而尊崇之而孺人之心愈苦矣诸伯叔既析产见而怜之复请合居以分其劳孺人婉谢之孺人之教子也慈严并用海芹八岁就学每下塾归母必督课不许嬉游成童时而海芹之学大进年十九孺人为之授室自是教子兼教妇母辛劳而母节愈显海芹克承母教奋自树立闾里重之岁辛丑长孙瑞明生乙巳次孙玉麟生迨孙女辈出食指骤增母心大慰遂命海芹弃儒为贾不数年孙辈成立家道转丰迨曾孙辈蔚起母体康乐已临蔗境詎丁丑秋倭旣东来乡里不靖戊寅夏战事益急孺人深明种族大义者自以年高不能转徙决然命长孙瑞明率曾孙辈趋后方经商就学留海芹与次孙玉麟

吴节母谢孺人传

随侍左右其年九月吾邑沦陷母以忧思成疾次年二月歿于乡间春秋已逾八十惜乙酉秋倭寇屈降孺人未及见也乌呼天佑苦节使孺人高年克见孙曾树立商学界中有名于时是苍匕者报施善人盖昭昭不爽矣峙三于孺人苦节懿行昔闻之竹筠而桑榆福祿蔗境回甘则得之乡里舆论因是乐而传之

前清邑庠生历署湖北黄安蒲圻黄冈等县县长

现职湖北省政府简任参议武汉行辕军简二阶参议

乡愚晚朱峙三顿首拜撰

中华民国三十七年 仲春月 中浣 吉旦

公元一九九四年 仲夏月 中浣 重刊

吴母张孺人节孝传

秉天地之正气而笃生具松柏之坚操而自立在男子则为纯儒烈士在妇女则为孝媳贞妻此皆嵩嶽之灵奇炳日星而焜耀者也末世士风俞薄古道陵夷求一终始全节独立不移者盖戛七乎其难之惟地道永贞著清操於两间留贞名於万古求之女流容或有之以余所闻於乡先生之传颂如吴母张孺人其人者正气坚操亘古不朽真足令后世士林增愧焉孺人为邻村张靖臣先生之女继伯之妹继仲之姊年二十四归同邑缙绅吴先生仿遽之四妇蔚圃君为室蔚圃秉承庭训学识优长以攻苦过度膺劳瘵疾孺人归才七月即殞所天悲鹄寡之不双恨龙乘之未久椎心泣血恸不欲生惟以父母俱存翁姑尚在重伤亲心苟延残喘含辛茹苦度日如年养亲十载子女皆虚遂养黄福菴之女为已女藉慰目前乃悼夫志切泪潜洗面不数年双目失明而励节益笃以前之谨妇德勤女红愈啧啧在人口焉有犹子七行六早逝餘均以农商兴家感孺人之德同心奉养孝敬如事其父母养女适廖可祥外孙传盛嶽然见头角孺人现年七十四岁内外侄孙分甘娱目桑榆暮景殊为不恶论曰皇天无亲惟德是辅予之角者齟其齿附之翼者两其足天固不与人以全福也孺人命不逢辰丧夫无子夫死守节反令失明报施善人乃应如是耶要知

吴母张孺人节孝传

造物之巧人诚难明欲成其各遂艰其遇不如是不足以炳耀千秋也为之传以俟輶轩之採不其懿欤

前寒溪中学 校长 廖德鑫 敬撰

中华民国三十七年 仲春月 中澣 吉旦

公元一九九四年 仲夏月 中浣 再刊

致堂先生传记

生先名燮奎号致堂世多隐德祖玉峰父琼池故饶于财而好施乡里称为长者妣霍孺人生子三先生其长也昆季皆财贤而先生尤为杰出性英敏好学博极群书为文汪洋恣肆下笔千言虽名宿见之谢不及惟不事帖括故视科名小屑为也清政不纲列强挟其所长侵陵吾国势莫能敌有识之士知非变法维新不足以救国非讲求科学不足以图强于是纷纷向东西洋留学先生与其从弟玉森先生先后东渡日本入东京警官学校盖警察为内政要科先生日夕研究颇有心得暇时与蕲州田桐桃源宋教仁及同县范鸿钧刘芬等讨论中国革命诸人皆民党中坚份子而刘芬伯垂者先生之甥也岁丙午孙总理至东京组织同盟会先生为诸人邀入焉时吾国革命风潮日烈清廷乃假预备立宪以缓冲而各省大吏承风举办新政而取誉游学回国之士多所罗致端方任督办川汉铁路大臣注武昌行辕先生新自日本归国即被征至欲偕入川藉资襄理先生早识虏运将终已在旦夕不欲受虚荣而罹实祸辞不就后端方果死于川非先生能智烛几先生鲜有不与之俱败者未儿武昌起义一时义故风起蛟腾先生以乡居不与其役未尝涉足其间也其操行介洁有如此民国纪元曾一度派至襄阳整理警政但外郡风气未开诸凡制肘

致堂先生傳

難竟所施遂歸家不出癸丑春袁世凱喉賊刺宋教仁于滬淩并解散國會蘇
 皖贛粵起而討袁吾鄂为首義之邦尤為憤慨達同范鴻鈞蔡濟民丁人杰方
 覺慧劉芬能晉槐謀响应达奔走武汉策动军队维时侦骑四布乃潜入刘弼
 岑先生律师事务所所以避侦察而先生与程子荫太史先在焉询余何为坚守
 秘密不以实告先生曰君何疑乎吾故同盟会员程先生曾入吴禄贞将军幕
 中谋倒满清者今盖所有运动姑寓此避侦察君意思同又何疑乎余贪之相
 视而笑宁贛失败武汉党人多被捕杀余幸脱祸乃先生多方掩护之功也帝
 制发生先生卧病在家弥留之际犹口呼拥护共和打倒帝制不止卒于丙辰
 夏四月十二日距袁世凱死仅一月国会恢复黎元洪继位可惜先生不及见
 矣先生生平为人忱直无城府不好作谦虚态度以媚俗每而责人过无后言
 故君子喜其坦率俗人恶其孤行而先生不顾也以达所知于先生者止此享
 年四十有九配黄孺人生子三长书琪次书玉三书理女三长适吕次适秦三
 适范今朗如持先生行状请传故谨叙次其事藉志不朽云
 赞曰先生所学未竟其施先生革命末与其役人为先生慨然以嗟先生自顾
 怡然而乐也董子云正其谊不谋其利明其道不计其功先生近之矣

致堂先生传

吴氏宗谱

卷一十

传记

第二一页

至德堂

前长阳县长陆军礮兵中校姻晚徐季达叔渊氏顿首拜撰

中华民国三十七年 仲春月 中浣 吉旦

孙家炽 家煜 家爨 家燿 敬刊

公元一九九四年 仲夏月 中浣 再刊

厚用公暨老孺人合传

公讳厚用号金才忠福公四子也公有三兄厚道厚意厚时皆以忠厚获善报若用公又忠厚勤俭之最者公事亲孝友爱诸兄孝友一堂洵天伦之乐也泊析爨后躬亲穡事不避风雨不辞劳瘁虽严寒酷暑无间晨昏勤如何乎至于持身以俭约为要衣惟大布食以粗粝一文钱不肯妄费一粒粟不忍轻抛由是积铢累寸子母相传家道遂蒸蒸日上田园进堂构新家声歪振矣若人以逆来公以顺受不与之校有卢公唾面自干之度焉生于道光丙午年卒于民国十七年寿享大耄宜也非幸也德配魏老孺人性温和身淑慎井臼亲操贤称内助鞠子五长传华次传梅三传山四传顺五传启不独劬劳冈懈而荻训弥勤惟顺子无嗣公命以启之长子家浣继之孝慈之心公妣具焉公孙十余入皆能绍箕裘绳祖武非公与孺人之积累安能致是乎孺人生于道光甲辰年卒于民国甲子年寿亦高矣昔尝念及介修事虽未竟而有志焉今贵族合修家乘公之孙家万家瑚家勤家雪等除夕来清传于余余虽老耄义不容辞乃于是夕灯烛之下录公妣之大概以志不朽云

清秀士 杨益壮 敬撰

中华民国三十七年 孟春月 中浣 重刊

厚公用暨老孺人合传

吴氏宗谱

卷一十

传记

第二三页

至德堂

公元一九九四年 仲夏月 上浣 复重刊

筱池公暨王孺人合傳

蓋聞士君子名重當時，聲稱後世者，豈必達官宦而後然哉？即山夫野老，名
 可為後世法者，其潛德幽光，又烏能湮沒而不彰耶？吾伯岳諱宏銓，號筱池，
 太岳公拔池之長子也。其立身行己，沉毅端方，孝父母，友兄弟，早為鄉里
 所贊譽。髫齡受學，聰慧絕倫，以家道中落，不能終舉子業。昆季八人，公居長，初
 樊口堤閘，示建築，每當桃泛江水，倒灌入湖，恒為阻候，所困家口十余人，得以
 保持溫飽者，皆由公。慘淡經營，不辭勞瘁，所致又以書香趣味，本身恨未深嘗
 乃支持六弟奎卿，公習舉子業，隆師重道，有非常人所能擬及。德配我王老
 孺人名門淑媛也。事尊嫜，孝處娣姒，和唱隨克，篤虽公生平寥落，未遇而孺
 人補袞，无亏竭，尽妇道，终不以挫折而稍衰。生子呈均，能属遵遗教，与世无尤。
 次子义甫，虽托身田野，而于人生大道行之不悖。经理祖事，守正不阿。本年纂
 修宗譜，任担理費，職責任勞，任怨于公，颇有裨益。故孺人虽无丰功伟烈，
 可傳而處世之端，方守身之節，操誠有奔世而不忍沒者也。欽自愧才疏不足，
 表揚令德，然以情关至亲，不敢以不文辭略述梗概，以志不忘云耳。

中華民國三十七年

孟夏月

中浣

刊

愚侄婿

姜凤欽

敬撰

传合人孺王暨公池筱

吴氏宗谱

卷一十

传记

第二五页

至德堂

公元一九九四年 仲夏月 中浣 再刊

漢卿公傳

公姓吳氏諱宏鉏號漢卿業農世為鄂城人同母兄弟凡八公居四性忠厚篤于庸行父母在時夏清冬溫尽心甘旨遇歉歲奉養亦不稍減疾時亲侍湯藥未嘗廢离歿時喪葬尽礼哀毀几至灭性人多以孝称之处于兄弟间埧篋迭奏相爱相亲美食必分食之美衣必共衣之后因家大析箸均分田产膏腴两不计视夫斗粟尺布者判若天壤人多以友称之其他人有争排解之人有困救济之横逆突来优容顺受之奎卿公公六弟也负笈从师竭力培植之且公在未分居以前遵父母命治家三十余年至公无私勤苦自励有事陇亩间先后缓急悉得其宜日用有多寡预算在胸必量入以为出故家口虽众无一不心悦而诚服之此公生平善行亦皆不容歿者公享寿七十有二而终今观其孙曾林立头角峥嵘其三子品三先生亦善继志值樊堤修筑时独先迁居黄冈芦洲湾西偏从事开垦其后陆续迁居佃耕者约数十户遂因其始迁者田姓名其地为吴家村累年来品三先生广置田园方兴未艾而世人皆知由公孝友传家之征忠厚为本之报尤颂之不容曰云

省立高中学校学员愚晚郑龙光赫屏甫敬撰

中华民国三十七年

仲春月

中浣

敬刊

汉 卿 公 传

吴氏宗谱

卷一十

传记

第二七页

至德堂

公元一九九四年 仲夏月 中浣 再刊

奎卿先生傳

君姓吳氏名宏麟字奎卿余故友也居同鄉出同營萬里從戎又同志平生交誼之深無如君者君貌魁梧性倜儻不羈喜讀書不沾匕於章句弱冠入湖北新軍炮隊奔列兵能任軍中操作不稍形書生文弱態為千夫長所愛重焉清季边防廢弛伊犁將軍長庚奏調鄂軍赴伊犁防邊君與余皆與焉萬里同行未離跬步經秦隴道甘涼出嘉峪關相與歌杜甫出塞之詩唱王燦從軍之樂雖跋涉流沙之地馳驅雨雪之場不覺其遠役之苦過古昔爭戰之所覽歷代名將之遺迹而心益為之壯君尤留心山川扼要物產人情及所過郡縣志書莫不備記成帙則器重之大智慮之周有非尋常所能測度者也君意氣益豪宕嘗發之於詩歌若大有得於山水之助者太史公所謂讀萬卷書不如行萬里路乃於君為尤信余固無足論矣若以君所抱負充其材力之所到難班陳之勲不足道也抵伊犁當事者僅畀君以炮隊軍需官非所好也旋辭去君既倦遊而歸鼎革後十餘年無所獲齊志以歿惜哉配湯孺人數舉丈夫子不育遂繼立長兄筱池之四子元潤為嗣嗚呼昔時之旧零落無存曹子桓有言既念逝者行自念也其聚散存歿之感能無有動於其中耶今因其族續修家乘謹叙次其事以志不朽而藉塞余悲耳而傳云乎哉

奎卿先生传

吴氏宗谱

卷一十

传记

第二九页

至德堂

愚弟徐季达叔渊拜撰
 中华民国三十七年 孟春月 中澣 重刊
 公元一九九四年 仲夏月 上浣 复重刊

伯岳母黃太孺人六旬壽序

戊子之夏四月既望為我伯岳母黃老孺人六旬壽慶余與孺人居近松榆
誼屬至戚聞訊欣然往賀焉登其堂則見錦屏綉幃絢爛奪目紅燭高烧云璈
宛轉移時步聲藁屺彩舞萊衣登階而鞠躬致敬者伯岳母之令子也環佩
鏗鏘率嬰捫孩循序而俯身下拜者伯岳母之佳婦也冠履肅肅衣裳楚楚
蟬聯而歡騰祝嘏者伯岳母之族黨姻婭也濟濟一堂盈盈滿座仙果紛陳
琼漿偏設伯岳母之酬酢賓客也既而酒闌席散相興啜苟客有謂余曰盛
會不常子盍无一詞以為孺人壽余曰然惟自愧才幹不善頌祝雕虫小技恐
不足以博孺人歡然孺人之德之壽誠可歌可誦而有不能已于言既承雅
囑姑秉筆而直書之以為上大夫采風之助孺人年及笄來歸岳氏即以孝敬
事公姑和諧親娣姒而伯岳父少臣公嘗以魯仲連自任鄉人有爭孺人
聞之必敦促以往務使寢其事而后快厥后伯岳父之名聞于鄉多出之
孺人之內助厘降之初家清貧而嘉賓貴客時相往來母則處困如亨不吝酒
頗有截發延賓之風度至若周人之急濟人之困尤為近世所罕見舉子五
二四兩子不祿長元煜三元焮五元煉式商各業未敢或違伯岳父年近六
旬而卒孺人督率諸子婦以勤儉治家迄今家道日興田園廣置者皆孺

伯岳母黃太孺人六旬壽序

人教養之力也客聞言而起敬曰如子之言則孺人獲報當不止此中庸有云大德者必得其壽征于君之伯岳母而益信現今年屆六旬精神猶矍铄不形衰老態將見而耄而耄而期頤未可定其極止矣曰誠如子言豈孺人之愿而余亦与有榮幸焉是為序

愚侄壻 楊显台 敬撰
中華民國三十七年 孟春月 中浣 重刊
公元一九九四年 仲夏月 上浣 复重刊

岳父端卿公六旬寿序

盖闻祝晋华封寿居其次畴陈洪范寿列其先之重于天下也久矣 恭维岳父讳宏戴号端卿大人光明磊落慷慨激昂昆仲四公其季也幼读书塾师咸器重之继因膏火之资无从出乃废读就耕析箸后惟恐衣食不能给操作益勤苦是以仰事俯畜得不缺均怡匕然而自乐也德配 岳母王孺人堪称内助贤举子二女一教养皆有方 孺人年四旬余而卒 岳父更能以父道而兼母道治外亦以治内率家人以勤俭戒子侄以奢靡诚足为近世取法矣故学虽不着于士林而性深明乎大义尤好代人鸣不平虽损金钱耗时日亦不之惜言语颇豪爽无饰词邻里皆敬佩之迄今二子均成立家道蔚然日新女适吾家亦能执妇道皆 岳父之德所感召也及今年登花甲庆衍椿荣其得寿之由来有自矣语曰仁者寿征之岳父而益信台谬膺雀选杖履叨陪睹典型之在望燕贺奚辞欣寿域之宏开鳧趋自切此日觴呈三豆似同麻于郭子他年寿届百龄更媲美于童参矣是为序

愚子壻 李显台 拜撰

中华民国三十七年 孟夏月 中浣 刊

公元一九九四年 仲夏月 中浣 再刊

家传孝忠


吴氏宗谱

卷一十

传记

第三三页

至德堂



先父書紳公暨先母汪太孺人合傳

先父字書紳原諱文卿因與江右遷此第二世祖文貴公相犯遂更諱笏卿焉幼讀書甚穎悟尚朴实鄙虛榮甫成年即以孝悌妝初時世業无多而又肩事畜重任遂弃讀就農虽身在陇亩中而于伦常之道笃行无缺所谓农而儒者也宜室后得先母汪太夫人内助之力故一家数口颇有优游自乐之概饘昆季六先后出世先父母以食指日繁仅赖佃农恐难自给乃将遗产数升质款作资金命长子家伦次子家科等均幸相继成立或农或商分工合作家道由是蒸蒸日上置田园建栋宇造成新世界此皆由先父母策划有方督率得法有以致之先父母性慈祥凡戚族中有贫而无告者輒加以救济虽巨金不惜此盖有宿愿而今得偿者也饘甫届学齡命就外传以堂伯父翰卿公言遂卒业于湖北夏口地审厅惟时先父母亦就养于汉皋每当定省之际先父母即以清慎勤三字诰诫饘服官廿余年得以不愧不作者皆先父母平时最勉力也民国二十五年间饘次兄仲嘏病逝先父母以晚年丧子心肠俱裂二十七年秋暴寇侵入鄂境乃避乱于监利县之瞿家湾其时虽儿媳多人随侍在侧惟念大好家庭被敌催破因是忧郁成疾寿终难次享寿七十有九次年始归葬于祖山之阳越五年先父亦以忧愤成疾而逝享寿八

先父书绅公暨先母汪太孺人合传

十有二时，先宦游于贵州安顺及贵阳两地，院首检任次，只以敌我交兵，欲归不能，噩耗传来，惟有抢地呼天而已。胜利后，蒙中央政府主席蒋宠眷，题颁忠孝传家四字，去夏，旋升任首都最高法院推事，适合族续修家乘，诸兄以先父母之潜德幽光，不忍湮没，迭幽索传，环宦海浮沈，笔墨荒落，顾以至亲，无文不揣冒昧，于公余之暇，谨将先父母之嘉言善行，由得诸传闻及目睹者，略述梗概，以志不忘云耳。

男家 环沐浴谨撰

中华民国三十七年 仲春月 中浣 敬刊

公元一九九四年 仲夏月 中浣 再刊

吳公福臣暨德配涂老孺人合传

昔端木子有货殖才能而能屢中者每不多觀孔子以不受命責之此圣贤之旨
 则然下此以义为利足矣矧商为四民之一亦正业也不与市狴同流斯为上
 品若吳公福臣先生諱书初詩仁公之子吳氏之闻人亦商界之巨擘也幼读
 书能三到每以上进期不意年甫十七怙恃相继而失孤苦零丁何能卒業於
 文场由是弃文场驰商场善计然术而货财生殖焉奔驰险阻備历艰辛以致
 卒岁有餘仓箱不匱不料天災阨者一兵燹阨者再两次赭其垣家藏俱成灰
 烬两次新厥栋杼柚愈觉贏餘此中之辛苦備尝矣德配涂孺人温恭淑慎敬
 比德耀勤比少君人以内助贤称之洵无愧焉育子一女三长适王次适万三
 适孟子一成立向平之愿了矣胡天不吊子媳俱亡幸孙有三长孙猷南已完
 克勤本业娶次孙惠南姿俊秀現疑业於中学将见耕者绿野盈儲读者青云
 直上非公与孺人之积累乎公妣皆寿享古稀亦卒见天之报德不爽矣今贵
 府续修家乘有德行者不能不传猷南托杨生凤章请余立传不揣老耄述其
 事以为纪念云

清附生杨词垣敬撰

中華民國三十七年 仲春月 中澣 吉旦
 公元一九九四年 仲夏月 中澣 再刊

吴公福臣暨德配涂老孺人合传

吴氏宗谱

卷一十

传记

第三七页

至德堂

吳公偕卿暨德配蔡孺人合傳

公諱偕卿鄂城永福鄉人也七歲入塾讀書穎悟即冠其曹一時名師宿儒均以遠到期之其先君子詩仁公勤于貿迂又竭力田間苦无助手命公弃讀勤耕勤貿公童年時即刻能苦自勵披星戴月入犁云鋤暑沐雨栉風未嘗以一息自懈也十歲失恃哀毀逾恒以椿庭侍養未敢自戕德配蔡孺人禮法自持不忘敬戒相夫教子來徒以鷄鳴警旦能胆和丸見長也生丈夫子三家積家升家協類皆英偉瑰奇箕裘克紹公之長孫崇德從余游潛心經史詩文迥不猶人倘能精益求精終始典學則成就未可淺近限也女子一適劉比吾鄉望族占夙乘龍一時稱羨迄今內外孫栁比林立頭角崢嶸麟人炳炳蜚蜚繩繩吾知其正未有艾也至其田園廣置棟宇重新家有餘資廩有餘粟猶未足以見公之協隆報厚皇天福善之常規矣公卒于民國十四年乙丑四月十二日寅時距生于同治七年戊辰十月二十七日戌時享年五旬有八歲在戊子吳氏族修宗譜凡有功德足錄者皆倩人作傳弁諸篇首以志不忘自憚文章道德不逮廬陵不足以傳公之公欵是用是照然爾

遜清反貢生廖純古拜撰

中華民國三十七年 仲春月 中浣 敬刊

吴公偕卿暨德配蔡孺人合传

吴氏宗谱

卷一十

传记

第三九页

至德堂

公元一九九四年 仲春月 中浣 再刊

太親翁海芹大暨德配徐太夫人七旬双

木之秀者其本根必深固人之贤者其前代必有隐德每以此论世覩人于吾亲家吴君瑞明而益信余以弱冠起为牧令远守黔陬既已四年改官省垣因今最高法院吴鹏云推事万里获识瑞明接其言行冲怀雅度重义守信皆异常流知其所禀赋者深厚虽仕商殊途而抱负同辙遂引以为知己迨日寇屈膝余远至京都濒行惜别之情宛如家人兄弟既来自下音书不绝今岁春明瑞明挈眷东下相与漫游苏杭虎邱揽胜孤山寻梅盘桓匝月将行瑞明告以秋八月为太亲翁海芹公暨德配徐太夫人七旬揽揆之辰嘱制文以归娱堂上月僧不敏其何敢辞太亲翁讳书记安海芹世居鄂城永福乡幼而岐嶷习奉子业不屑弃而从贾喜施与以疏财故不以致富为心性纯孝少岁而孤事母氏维谨冬温夏清必躬为役至老弗改以是乡里益重其人德配徐太夫人温恭淑慎相夫教子孝亲睦邻尤为一乡规范天赐善者宜其克享大年生丈夫子二人长即瑞明以懋迁往来汉筑交游广盛名字见重于公卿间次玉麟变以商业闻名江汉孙锦文疑业武汉大学鉴文楚文尚在童年亦皆挺秀孝友一门方兴未艾信乎非德泽流衍根本深固者何由臻此月僧远羁京畿一官匏系恭逢大庆莫遂抠衣西望楚云愿晋一言以为寿简任四级前任贵

太亲翁海芹大暨德配徐太夫人七旬双

州册享郎岱等县县长现任首都警察林主任秘书

姻愚晚涂月僧顿首拜撰

前湖北省政府主席现任行政法院院长

世愚弟张知本顿首拜撰

中华民国三十七年 仲春月

吉旦

公元一九九四年 仲夏月 中浣

再刊

吳芝山君傳

天无亢燠不足以显上帝之威赫人无刚气不足以成崇高之大节内弟吴芝山君殆即天之炎夏人之刚正者也君有至性孝友兼尽虽坦峻不易与人接然一纳交则又终身莫逆无间以是人益称君当有如龄便不苟言笑年甫弱冠惨遭大故环境所迫遂奋志出游先声在广州松滋应城等地主办兵丫会计及钱粮者十余稔道德为怀清风两袖而已民国三十六年春吾邑县长肖液陔先生重君之为人征委办理鄂城县葛华段粮政莅任之始严峻从公百敝悉除尝语人曰国人积习多重人情吾独知有公耳敢有违法者即至亲吾必发之初不料卒乃坐此以贾祸竟为仇仇架词诬控瘦死狱中得年五十有一惨哉遗子一女二俱幼向平縲继之中实非其罪余则谓盖棺定论端在輿情君之清白人所共知君之沉冤人共所鸣斯则又百刚烈之过而刚烈适以成其完美之人格也噫是可传矣

愚姊丈吕培心手撰

中华民国三十七年

仲春月

敬刊

公元一九九四年

仲夏月

中浣

再刊

序寿旬五人安老高母吴

盖闻八千岁为春原非虚语五十年曰艾向有明文华祝三多箕陈五福岂无意哉盖重寿也恭维伯母高老安人幼伏深闺克遵姆训长承戒命善体亲心敬事舅姑曲意谋旨甘之奉和偕妯娌恒年泯诟淬之声手挽鹿车桓少君不能专眉齐鸿案孟德曜可谓复生延宾较截发而尤贤最学比断机益而至宗族曾无间言戚尚尤多口颂固宜天年克永而福履绥之矣无如伴失青鸾歌兴黄鹄欲从精英于泉下念多稚弱于怀中由是操凜青松志坚白石奉衰翁而晨昏益敬抚遗雏而鞠育弥勤不谓天励善人不遽予以全福珠辞掌上竟难藉以承欢固知节缘愈挫而愈坚德以日新而日着既已忧动于早岁必获福寿于晚年也侄性实疏庸空说谐生玉树才惭袜线徒劳饌具铜盘未解揄扬所此陈真实值日艾龄衍庆聊捧咒以介眉待他年花甲邀荣再献鸪而祝嘏谨序

世侄谢均沾顿首拜撰

中华民国三十七年 戊子 孟夏月 敬刊

公元一九九四年 仲夏月 中浣 再刊

伯常公暨孫屠二孺人合傳

世有操觚家受人后嗣託为其先人传率逞才华尚词章令阅者惊奇至平生事迹多挂漏马文虽佳乌足贵余学落才疏寡文即有匈为先人传实不敢今有吴公讳家伦字伯常者人品卓犖洵堪钦佩蒙不弃联有姻娅谊又稳知其际遇本年春其子崇善以家乘告成休沐来舍乞次其事因不揣弩劣操不律而纪其实公垂髫时家窘甚虽父母时为煦妪跼蹐日多娱乐时少赋性颖异初入校塾师授以四子书过目成诵乡贤达輒以大器目之奈束修膏火无从不克卒举子业乃弃儒经商年方舞象勤习小贩足奔驰肩担负公处之泰然也未几囊橐渐充寄身闾閻在段镇号称巨商不数截积有赢馀修栋宇置田园鼎鼎然富甲全乡昆玉六序居长友恭丕著阅墙不作近世处弟昆者皆奉为圭臬后因食指孔繁復丁国难兄弟议析箸推田让宅毫不因财产而起争端其后家虽分而情感与同居无异伯仲间均能祖武克绳不坠家声稼穡贸易各事其事惟六弟鹏云於法政毕业后自委任而荐任简任现服官於首都最高法院执法临民人多以龚黄称之但鹏君之有今日者得力於公恒多德配孙孺人於归数载即赴瑶池享年不永淑德难知未便轻忽妄述继配屠孺人奉师箴遵母训内则妇道不见有亏未笄时幽闲贞静无貽父母懼於归

伯常公暨孙屠二孺人合传

后孝敬和顺深得舅姑欢织组组延宾款客无一不为巾幗法诗所谓彼君子女孺人有焉生子二长崇俭不禄仅次子崇善依匕膝下初不以爱如掌珠者稍存姑息子方受读时必多方督责不使稍染怠惰陋习其善教有如此也故其子崇善学克有成为儒林冠者微斯母当弗及此不惟崇善铭感无既欲将潜德幽光垂诸谱牒以志不朽余亦羡慕不置搜尽枯肠依崇善所述者乐成俚语而阐扬之识者德无笑余为阿私所好焉否

姻愚弟李仲卿敬撰

中华民国三十七年 孟夏月 中浣 敬刊

公元一九九四年 仲夏月 中澣 再刊

叔泉公暨老孺人合传

公讳叔泉书托公三子性志诚忠厚与人相处和睦邻人有争极力排解故称公有长者之风备受邻里尊崇公自幼习商以小本经营克勤克俭不牟取暴利不以劣弃好以假充真公平交易老少无欺深得顾客信赖生意较为活跃德配涂老孺人端庄娴静淑惠慈祥善事翁姑和睦妯娌夫妻相敬如宾勤于纺织更精女红内外家事全力操持故家道日上丰衣足食堪称女中丈夫公之贤内助公妣养育昆季四俱成大器长春南抗美援朝为国捐躯次周南早年就读中华大学历任中学校长教育科长局长等职三召南自学成才曾任中国人民银行贵州分行货币发行处处长贵州安顺地区中国人民银行行长等职退休后以其雄才大略从事经商活动不数载竟成千万富翁为贵阳巨富四镇南就读北京航空大学为高级工程师现子孙蕃衍枝叶繁茂人才辈出后来者居上此乃祖宗之德也亦为公妣淳淳教导所致公妣俱年逾九旬无疾而终享尽人生之乐实乃天之善报今家乘告竣之际其侄幼南嘱余为公妣留传受人之托责无旁贷仅简略述其事迹俾志不朽

族弟元松氏吴新谨撰 公元一九九四年甲戌仲夏月 中浣 敬刊

兆夏公暨刘母老人大百寿序

吴公讳兆夏字兆发正直为人苦守田园日以继夜沐雨栉风不料享年八十
七载而归天刘母勤于纺织操持家计世人皆称女中巾帼 老人寿享九十
有八众称百岁五世同堂市乡称奇老人教子颇有义方因此六子一女善于
处世老人勤耕勤纺忙碌不停操持家计精打细算上奉公婆以孝为先和睦
姑妯相处泰然待人接物乐于助人邻里有难老人分忧不惜米粮慷慨乐施
故此邻里称为女中豪杰古言积德必昌天励善人故人兴丁旺子孙蕃衍五
代同堂孙曾林立头角峥嵘工农政医行业皆有满堂瑞蔼皆老母之功古云
人海七十自古稀老母今年九十八岁适逢续修宗谱五代同堂真是积善之
家必有余庆

寿 赞

寿匾高悬堂前挂 族谱修成萱百龄

五代同堂阖家喜 孙曾林立拜寿星

不孝五男宏系字宏富敬撰

公元一九九四年 仲夏月 上浣 敬刊

绵延公暨德配熊老孺人合传

竖碑之传是为了记述旌表其人一生的功绩和德操
吾父绵延公母亲熊老孺人虽没有丰功伟绩可旌表也无卓越成就可
颂扬但二老的一生是勤劳勇敢忠厚善良热诚贤惠和乐于助人的一生其
品德是很受族人称赞的

父母养我兄弟一十三人但抚育成人的仅姐弟三人在当时像这种学
生的生活负担是难维持的特别是儿女难育这极大程度刺伤了父母心身
但父亲从十六岁起为了养家糊口祖上又无遗产只好佃耕并曾打过长短
工做过厨师开过面坊管过湖业并与人合伙烧过石灰窑做过榨坊等等事
业但这种繁重的辛勤劳动怎奈时运不佳每件事总是蚀本而告终只好东
扯西挪来维持全家人的最低生活母亲一生聪明伶俐贤惠热诚自画自剪
自裁自逢一生热心快肠有人求助者不惜牺牲私利那怕是碗米无存也要
设法资助这种舍己待人贤惠之名颂扬邻里父母亲除勤劳养家外还特别
照顾孤儿寡妇帮助其成人成家族人赞不绝口此外还节衣缩食借债供子
读书望子成名像这种劬劳养育勤俭持家和睦邻里克己助人的精神是值
得乡邻和后人称颂的今续修家乘以志其事是为传

男元郡

绵延公暨德配熊老孺人合传

敬撰

公元一九九四年甲戌 仲夏月 中浣 刊

吴氏宗谱

卷一十

传记

第四九页

至德堂

续修宗谱有感

赞宗族

花甲重周又八秋喜逢宗族谱重修扁观吴姓传华夏且咏本支树鄂州
宜家宜室绳祖武克勤克俭绍箕裘子孙蕃衍成名族富贵荣华世代流

感时

浮生若梦数十年沧海桑田几变迁国弱无端遭外侮民穷思变换新颜
八年抗战倭奴败三载操戈蒋氏完革命成功齐努力全民雷进建家园

述怀

坎坷一世未曾闲一事无成实汗颜父母劬劳常在念儿孙福祿自成全
兴家未就空劳碌创业难成枉受颠白发无凭吾老矣痴心尤望后人贤

公元一九九四年夏

元郡邑斋氏题

续修宗谱有感

绍周公暨三子代传记

本族正在续修宗谱我脑海里象大海的波涛一样翻滚很不平静想起了我那颇受人尊敬已去逝的父亲

父亲名绍周是一位学识渊博的人在一九四八年即民国三十七年他参加了修谱工作同几位谱局的老前辈把八个不同世系的派行合成一个派字

父亲是上届续修宗谱的主要成员之一在那国乱未平时局不定续修难度大的情况下终于冲破了重重障碍那是绞尽了脑汁历尽了千辛万苦修好了谱完成了我吴氏门中的一伟大史命

父亲在上届续修中担任了编审的主要工作吴氏宗族人们不知道他的并不多特别是吴家大湾的家门对他的印象最深而敬佩至今还赞颂他在上届修谱中所作的那些贡献尤其是以他为主同几位老前辈立的三十二个派字词语精炼意我深远赞不绝口在这届续修中经研究决定还继续沿用

自愧淡识浅薄不能很好地用文字将父亲在上届续修中做的事实一一地

绍周公暨子孙三代传记

表达出来

但我想借此机会向所有的宗族亲人们申述几句我族这届修谱选我为副主任实不敢当深感遗憾因环境影响导致我何得何能担任了主任之职有负众望

不过我有一线希望我儿英杰号洪涛字继人已有十六七岁在中专学校读书愿他将来能参加我族再届修谱工作为我吴氏敬宗收族作出一点微薄贡献来弥补我的不足晚孙确是才疏学浅淡言几句略表我意以致敬长辈之心此为传

公元一九九四年

仲夏月

中浣

刊

不孝子开原 辉宗敬撰

吴恒盛阖家传

吴恒盛阖家传

吴恒盛家三兄弟	务农经商做生意
百货副食加布舖	段店街上有名气
生意兴隆家庭旺	置田建房靠父辈
忠於人民守法纪	公私兼顾不放弃
德高望重乡邻颂	忠厚诚实人敬佩
光明磊落不欺诈	轻言细语做生意
一身正气为邻里	苦口婆心教后辈
千斤重担三叔挑	多亏父辈持家计
日寇侵华灾难深	祖国大地布乌云
辛勤成果遭浩劫	朝不保夕命难存
咬紧牙关重创业	四处奔波谋经营
披星戴月勤耕种	三座大山头压沉
伯父被捉遭毒打	父亲折磨变了形
叔父狗咬伤遍体	缺钱少药恨不平

吴恒盛阖家传

父辈确比黄莲苦	我等后人当记明
己丑解放段店镇	太阳光照恒盛门
父亲花甲辞人世	叔父永别近九旬
继承遗志十兄弟	焕南老大志凌云
炳南农村种田地	春南入伍赴征程
抗美援朝卫祖国	战伤牺牲立功名
周南退休成富户	福南会计有才能
召南行长开金号	幼南人事调动灵
子南援外伊拉克	放眼世界出国门
镇南航空总设计	水南矿山老工人
十南兄弟承遗志	鄂黄贵阳联桂林
党员干部超半数	兄弟各自奔前程
十南之后又十男	光宗耀祖显门庭
千金花朵十七枚	男女同是接班人
振兴吴门有希望	祖德宗功万古存

吴恒盛阖家传

吴氏宗谱

卷一十

传记

第五五页

至德堂

不孝男召南幼南子南敬撰
公元一九九四年甲戌仲夏月 上澣 敬刊